

Testament de gaillard seguela

Au nom de dieu scaient tous p(re)ns et advenir q(ue)  
l( )an de grace **mil vc quatre vingtz unze** et le **xiiiije** jour  
d( )**octobre** en la juri(icti)on de **mo(n)th(aub)an** en quercy **parroisse du  
fau et mai(s)on du testateur** cy apres nommé regnant n(ot)re  
souverain prince henry par la grace de dieu roy de( )france  
et de navarre p(re)nt moy not(air)e roial soubz(sig)ne et tesmoings bas  
nommes etably en sa personne **gaillard seguela labo(u)reur**  
habit(ant) en lad(ite) parroisse lequel gisant au lict malade  
dettenu de certaine maladye corporrelle estant toutesfois  
en ses bons sens memoire et entendement bien voyant oyant  
parlant et cognoissant par la grace de dieu conciderant la  
fragilite de ceste vie humaine et que l heure de( )la mort  
est incertaine pour eviter proces et differand entre ses  
successeurs a( )l( )advenir a faict et ordonne son dern(ier) testament  
et derniere volante et dispanse des biens que a pleu a dieu  
luy distribuer en la forme que s( )ensuict / en premier lieu  
a invoque le nom de dieu le priant luy f(air)e misericorde  
et luy pardonner ses peches par le merite infiny de jesus  
christ son filz et apres que( )l( )ame sera separee de son corps  
luy plaize la vouloir recepvoir en son roiaulme celeste en la  
vie bien heureuze et parmanente a jamais item a esleu sa  
sepulture au cimitiere de( )ladicte parroisse du fau ou a volu  
estre encepvely chrestienement donne & legue aulx povres  
de( )ladicte parroisse du fau ou autres passans et necessiteux  
la somme de ung escu sol vaillans trois livres t(ournoi)z payables  
distribuables le jour de son deces aux povres qui ce p(re)nteront  
devant sa porte a chacung d( )iceulx suivant que( )la necessite le  
requera declaire avoir este **marie en premieres nopces  
avec feue guillalmette de malfre** de( )laquelle receust dot  
de sectze escus deux tiers sol vaillans cinquante livres t(ournoi)z  
et dudict mariaige ont este procrees **jeanne / anthoinette**  
et autre **jeanne** de seguela **ses filles** legitimes et naturelles  
et de( )la(icte) deffuncte / **en secondes nopces** a este marie **avec  
arnaude boigues** de( )laquelle receust dot de cent dix escuz sol  
vaillans trois cens trante livres t(ournoi)z et dudict second mariage  
ont este procrees **margueritte** et **marye de seguela ses filles**  
legitimes et naturelles et de( )ladicte feue de( )boigues et **en**

.....  
viic lxiiij

**tierces nopces** a este marie **avec jeanne joanette** de( )laquelle a  
receu dot des biens que luy a vendus la somme de cent huict  
escuz sol vingt soulz t(ournoi)z duquel mariage du tiers lict m a point  
eu enfans et a icelle joanette sa femme veult que ladicte

somme de cent huict escus sol vingt soulz t(ournoi)z soict randue quand  
plairra a elle de( )la demander / si veust aussi led(it) testateur  
ordonne et entend que sadicte femme soict no(u)rrie alimentee  
& entretenue sa vie durand tenant vie vidual chaste et honneste  
an e(t) sur les biens dud(it) testateur avec habita(ti)on et au(tr)es alimens  
necessaires le tout suivant sa qualite et la faculte des biens dud(it)  
testateur tant qu( )elle demeurera vefve et repetter sa dot et  
augment d( )icelle s( )il en eschoit item ledict testateur  
**declaire avoir mariee jeanne de seguela sa fille aysnee avec  
pierre gales** a laquelle a constitue dot de quarante escuz  
sol lict et robes comme apert par **instrument de mariaige  
receu par bosquet** not(air)e et du tout l( )a paiee saulf de quarante  
huict livres t(ournoi)z et une robe que luy reste encor a ladicte  
jeanne plus jeune ledict testateur donne et legue la somme de  
soixante escus sol vaillans neuf vingt livres t(ournoi)z ung lict  
garny de coyne (*sic.*) coyssin avec plume suffizement quatre linceulz et  
une couverte de lict de paysan et deux robes a son uzage  
l une drap de marchant et l( )au(tr)e drap de paysan ]payable[  
et ung blanquet paiable vingt escus sol avec le lict et  
la robe drap de marchant et blanquet l hors de solempniza(ti)on  
de( )son mariaige et vingt escus sol avec la robe de paysan  
dans ung an apres et les au(tr)es vingt escus ]apres[ restans  
dans au(tr)e an apres et avec ce l( )a fait e(t) instituee son her(itiere)  
particuliere veult et entend q(ue) au(tr)e chose ne puisse demander en ses  
biens et heredite / et a chacune desd(ites) marguerite et marie  
de seguela ses filles et de ladicte feue arnaude sa  
seconde femme donne et legue la somme de quarante escuz  
sol vaillans six vingt livres t(ournoi)z lict robes [com]me  
a( )ladicte jeanne plus jeune paiable vingt escus sol avec  
la robe de marchant ]et[ le blanquet et le lict lhors de ]son[ /leur/  
mariaige et les vingt escus et robe drap de paisan apres  
restans dans ung an apres la solempnisation d( )icelluy  
et avec ce les a faites ses heretieres particulieres et volu que  
au(tr)e chose ne puissent demander en son heredite item led(it)  
testateur donne a **gaillard seguela son filleul filz de gerauld  
son frere** ung petit loupin de terre a luy advenu par la **divi(sion)**  
qu( )il en a fait **ce jourd( )huy** avec sond(it) frere des biens acquis par  
eulx de monsieur de gisard contenant led(it) loupinvneuf coppades  
ou environ mesure de mo(n)th(au)ban assis en ladicte parroisse du fau  
confron(tant) du fondz avec le chemin appelle de( )la gleye d( )un couste  
terre dudict gerauld seguela et avec terre des her(itier)s de guilhem  
seguela dict guillaume et de au(tr)e boult terre desd(its) her(itier)s et  
au(tr)es confron(tation)s pour dudict loupin de terre en f(air)e par sond(it)

.....  
filleul a toutes ses volentes en la vie et en la port et en  
tous et chacung ses autres biens meubles et immeubles voix droitz actions  
et noms audict testateur appartenant de p(re)sent ou a( )l( )advenir ou qu( )ilz  
soient ou puissent estre il a faites ]ses her(itier)es her(itier)es[ et instituees  
et de sa propre bouche nommees ses heretieres universelles et  
generalles lesd(ites) jeanne et anthoinette de seguela ses filles

plus vieilles par lesquelles a volu ses debtes et legatz estre  
paies e( )satisfaitz a la charge que ladicte jeane qu( )est desja  
mariee sera tenue de( )bailler a( )ladicte anthoinette la( )moytie  
du doaire que luy est ja paie affin que par( )la elles soient  
heretieres esgallement et que tant en eut l une que  
l( )autre suivant l( )intention et volante dud(it) testateur  
et au cas que l( )une ou plusieurs de sesd(ites) filles  
tant heretieres que legataires viendroient a deceder  
en pupillarite ou sans estre mariees ledict testateur  
veult et entend que la part et portion d( )icelle ou d( )icelles  
decedant en ceste sorte viegne et de plain droict appartienne  
aux survivantes ou a leurs enfans si elles estoient po(ur)  
lhors trespassees entr( )eulx a diviser esgallement  
veult & ordonne en oultre led(it) testateur q(ue)  
lhors que sesd(ites) filles seront mariees pour le festin  
des nopces de chacune d( )icelles soict forny et baille  
par sesd(ites) heretieres une barricque vin claiet quatre  
razes de( )bled et deux escus en argent pour achapter  
chair et au(tr)es choses servant audict festin & a icell(ui)  
necess(air)es et pour ce que sesd(ites) filles a marier  
sont en bas eaige et pupillarite ledict testateur leur  
a porveu ]de[ tuteurs de **jean gerauld et anthoine  
seguela ses fre(re)s** et dudict **pierre gales son beau( )filz**  
par lesquelz tous quatre ensemble a volu et ordonne  
leurs personnes et biens estre regis et gouvernes jusques  
que soient mariees / jusques auquel temps aussi veult  
et entend que sesd(ites) filles soient norries alimentees et  
entretenues aux despens de son heredite / et au cas  
lad(ite) joannette sa femme seroict enceinte de p(rese)nt ou  
a( )l( )advenir d( )enfant ou enfans masles fille ou filles  
procrees de( )leur legitime mariaige / si est enfant  
ou enfans masles venant en lumiere les faict ses  
her(itier)s avec lesd(ites) jeanne et anthoinette her(itier)es susd(ites) entr( )eulx  
a diviser esgallement / et si est fille ou filles leur  
faict semblable legat q(ue) a sesd(ites) au(tr)es filles legataires  
susd(ites) et avec cella veult q(ue) au(tr)e chose ne puissent demander  
en ces biens / et ce dessus veult led(it) testateur

.....  
viic lxiiij

que soict son dern(ier) et valable testament lequel veult que  
vaille par droict de testament ou par droict de codicille  
ou par donation faicte a cause de mort et au(tr)ement en la  
meilheure forme que pourra valoir de droict cassant  
revoquant et annullant tous au(tr)es testamens codicilles  
et autres dernieres volantes et disp(ositi)ons par luy cy devant  
faictes mesmes **ung testament** par luy faict cy devant dans  
**le p(rese)nt mois d( )octobre rettenu par m(aît)re anthoine bosquet**  
not(air)e de montauban le p(rese)nt demeurant en sa force vertu  
valeur et efficace priant les tesmoins cy apres escriptz

que a dict cognoistre de tout ce dessus estre recordz et  
memoratifz et moy not(air)e luy en rettenir instrument ce  
que luy ay accorde ez presances de sire anthoine faiget  
jean dujol / lafage marchans de montauban soubzsignes  
jean seguela arnaud delcros pierre gaubilh filz de  
cusquayne francois seguela frere dud(it) jean et andre de  
nos brassiers habitans en la parroisse du fau qui  
ne scavent escripre ni led(it) testateur / a du faget /  
dujol / ainsi signes sur l( )original et de moy abraham  
boneau not(air)e roial dud(it) montauban requis et soubz(sig)ne

Boneau, not(air)e r(o)yal